

ა(ა)იპ კოლეჯის „პრესტიჟი“
პარტნიორ ორგანიზაციებთან ურთიერთობის წესი

მუხლი 1. ზოგადი დებულება

წინამდებარე წესი შემუშავებულია „პროფესიული საგანმანათლებლო პროგრამის/მოკლე ციკლის საგანმანათლებლო პროგრამის/პროფესიული მომზადების პროგრამის/პროფესიული გადამზადების პროგრამის სამუშაოზე დაფუძნებული სწავლების ფორმით განხორციელების წესისა და პირობების დამტკიცების შესახებ“ საქართველოს მთავრობის 2022 წლის 9 აგვისტოს №416 დადგენილების შესაბამისად და განსაზღვრავს ა(ა)იპ კოლეჯის „პრესტიჟი“ (შემდგომში „კოლეჯი“) პარტნიორ ორგანიზაციებთან ურთიერთობის წესს.

მუხლი 2. პარტნიორი ორგანიზაციის მოძიება და შერჩევა

1. პროფესიული საგანმანათლებლო პროგრამის (შემდგომში „პროგრამა“) დუალური და კოოპერაციული სწავლების სახით განხორციელების მიზნით კოლეჯი თანამშრომლობს სხვადასხვა ორგანიზაციებთან და მათთან აფორმებს შესაბამის დოკუმენტს თანამშრომლობის თაობაზე;
2. კოლეჯთან ერთად პროგრამის დუალური სწავლების სახით განხორციელების უფლება აქვს/აქვთ პირს/პირებს, რომელსაც საქართველოს, კანონმდებლობით დადგენილი წესით დამოუკიდებლად/რომელთაც ერთობლივად მოპოვებული აქვს/აქვთ სასწავლო საწარმოს სტატუსი (შემდგომში – სასწავლო საწარმო);
3. კოლეჯთან ერთად პროგრამის კოოპერაციული სწავლების სახით განხორციელების უფლება აქვს მეწარმე სუბიექტს/იურიდიულ პირს ან საქართველოს კანონმდებლობით დადგენილი წესის შესაბამისად მიკრო/მცირე ბიზნესის სტატუსის/ფიქსირებული გადასახადის გადამხდელის სტატუსის მქონე პირს;
4. კოლეჯთან ერთად პროგრამის კოოპერაციული სწავლების სახით განხორციელების მიზნით, ამ მუხლის მე-3 პუნქტით განსაზღვრული პირი უნდა აკმაყოფილებდეს შემდეგ კრიტერიუმებს:

ა) აცნობიერებდეს პროგრამის განხორციელების პროცესში ჩართულობის მნიშვნელობას და საკუთარ, როგორც საგანმანათლებლო მომსახურების მიმწოდებლის პასუხისმგებლობას და ჰქონდეს პროგრამის განხორციელებაში ჩართვის მოტივაცია;

ბ) მისი ადამიანური და მატერიალური რესურსი შესაბამისობაში უნდა იყოს პროგრამის მოთხოვნებსა და სწავლის შედეგებთან;

გ) საქართველოს კანონმდებლობის შესაბამისად ლიცენზიას/ნებართვას ან სხვა სპეციალურ რეგულირებას დაქვემდებარებული საქმიანობის განხორციელების შემთხვევაში, მოპოვებული ჰქონდეს ლიცენზია/ნებართვა ან სპეციალური რეგულირებით გათვალისწინებული სხვა უფლებამოსილება.

5. კოლეჯი უფლებამოსილია, დაადგინოს დამატებითი კრიტერიუმები, რომელთაც კოოპერაციულ სწავლებაში ჩართვის მიზნით უნდა აკმაყოფილებდეს ამ მუხლის მე-3 პუნქტით განსაზღვრული სუბიექტი;

6. კოლეჯი ამ მუხლის მე-3 პუნქტით გათვალისწინებული სუბიექტის მიერ ამ მუხლის მე-4 და მე-5 პუნქტებით განსაზღვრული კრიტერიუმების დაკმაყოფილების შეფასების მიზნით უზრუნველყოფს

ა) ორგანიზაციის უფლებამოსილ წარმომადგენლებთან შეხვედრას, სადაც ხდება ინფორმაციის გაზიარება პროფესიულ განათლებაში სუბიექტის ჩართულობის შესახებ, პროგრამის/მოდულების შესახებ, პროგრამის განხორციელების პროცესში კოლეჯის და სუბიექტის პასუხისმგებლობების შესახებ, განიხილება გასაფორმებელი ხელშეკრულების/მემორანდუმის პირობები. ინფორმაციის გაზიარება ასევე შესაძლებელია განხორციელდეს წერილობითი ფორმით (მათ შორის, ელექტრონული ფოსტის მეშვეობით);

ბ) ორგანიზაციის საწარმოში/ობიექტზე/ბაზაზე ვიზიტის განხორციელებას, ინფრასტრუქტურის დათვალიერების და პერსონალთან შეხვედრის მიზნით. რომლის დროსაც დგინდება მოდულით/მოდულებით გათვალისწინებული სწავლის შედეგების მიღწევის შესაძლებლობა;

გ) შესაბამისი ლიცენზიის/ნებართვის ან სპეციალური რეგულაციით გათვალისწინებული სხვა უფლებამოსილების დამადასტურებელი დოკუმენტის გამოთხოვას ორგანიზაციისგან.

მუხლი 3. პარტნიორ ორგანიზაციასთან თანამშრომლობის თაობაზე დოკუმენტის გაფორმება

1. პარტნიორი ორგანიზაციის შერჩევის და თანამშრომლობის პირობებზე შეთანხმების შემდგომ, კოლეჯი პარტნიორ ორგანიზაციასთან აფორმებს შესაბამის დოკუმენტს თანამშრომლობის თაობაზე;

2. პროგრამის დუალური სწავლების სახით განხორციელების მიზნით, კოლეჯს და სასწავლო საწარმოს შორის წერილობით ფორმდება ხელშეკრულება, ხოლო კოოპერაციული სწავლების სახით განხორციელებასთან დაკავშირებით, დაწესებულება და ამ წესის მე-2 მუხლის მე-3 პუნქტით გათვალისწინებული სუბიექტი წერილობითი ფორმით ადგენენ დოკუმენტს თანამშრომლობის შესახებ (ხელშეკრულება/მემორანდუმი/შეთანხმება და სხვა);

3. პარტნიორი ორგანიზაციის შესახებ ინფორმაციას კოლეჯის რეესტრის წარმოების სპეციალისტი ასახავს განათლების მართვის საინფორმაციო სისტემაში კანონმდებლობით განსაზღვრულ ვადაში.

4. სასწავლო საწარმოსთან გაფორმებული ხელშეკრულება უნდა მოიცავდეს:

ა) სასწავლო საწარმოსა და კოლეჯის საიდენტიფიკაციო მონაცემებს;

ბ) პროგრამის სახელწოდებას (ქართულ და ინგლისურ ენებზე), რომლის ფარგლებშიც ხორციელდება თანამშრომლობა;

გ) სასწავლო საწარმოსა და პროგრამის განხორციელების ადგილის მისამართებს;

დ) პროგრამით გათვალისწინებული სწავლის შედეგების განაწილებას კოლეჯსა და სასწავლო საწარმოს შორის;

ე) პროგრამაზე ერთობლივად მისაღები პროფესიული სტუდენტების რაოდენობას;

ვ) პროფესიული სტუდენტის შეფასების სისტემის აღწერას, მათ შორის, ინფორმაციას შუალედური შეფასებისა და საკვალიფიკაციო გამოცდის შესახებ;

ზ) ინფორმაციას პროფესიული სტუდენტის შრომის ანაზღაურების ოდენობისა და პროფესიული სტუდენტისთვის შრომითი ხელშეკრულების მიღმა მატერიალური/ფინანსური დახმარების გაწევის, დაზღვევის პირობების თუ სხვა ზომების შესახებ, ასეთის არსებობის შემთხვევაში;

თ) პროფესიული სტუდენტის სწავლის/სამუშაოს შესრულების პირობებს, რომლებიც უზრუნველყოფენ სასწავლო საწარმოში/კოლეჯში პროფესიული

სტუდენტის გამოცხადების შესაძლებლობას და მის ჩართულობას აღნიშნულ პროცესებში, ასევე აღნიშნულ პროცესებში მისი ჩართულობის უზრუნველყოფის მექანიზმებს (გეოგრაფიული მდებარეობა, ტრანსპორტირება და სხვა);

- ო) სასწავლო საწარმოს ვალდებულებებს პროფესიული სტუდენტის სასწავლო საწარმოში სწავლის/სამუშაოს შესრულების პერიოდში შრომის უსაფრთხოების წესების დაცვის უზრუნველყოფისა და უსაფრთხო სამუშაო გარემოს შექმნის შესახებ;
- კ) ხელშეკრულების ვადას, რომელიც არ უნდა იყოს პროგრამის ხანგრძლივობაზე ნაკლები და ხელშეკრულების შეწყვეტის წესს;
- ლ) სასწავლო საწარმოს/კოლეჯის სხვა უფლებებს, ვალდებულებებს, პასუხისმგებლობებსა და საქართველოს კანონმდებლობით განსაზღვრულ სხვა საკითხებს.

4. პარტნიორ ორგანიზაციასთან გაფორმებული დოკუმენტი თანამშრომლობის შესახებ (ხელშეკრულება/მემორანდუმი/შეთანხმება და სხვა) უნდა მოიცავდეს შემდეგ აუცილებელ რეკვიზიტებს:

- ა) პარტნიორი ორგანიზაციის და კოლეჯის საიდენტიფიკაციო მონაცემებს;
- ბ) პროგრამის სახელწოდებას, რომლის ფარგლებშიც ხორციელდება თანამშრომლობა;
- გ) პარტნიორი ორგანიზაციის ობიექტზე მისაღწევი, პროგრამით გათვალისწინებული მოდულების/სწავლის შედეგების ჩამონათვალს;
- დ) პარტნიორი ორგანიზაციის მიერ ერთდოულად მისაღები პროფესიული სტუდენტების რაოდენობას;
- ე) პარტნიორი ორგანიზაციის ვალდებულებებს პროფესიული სტუდენტის პრაქტიკის ობიექტზე სწავლის/სამუშაოს შესრულების პერიოდში შრომის უსაფრთხოების წესების დაცვის უზრუნველყოფისა და უსაფრთხო სამუშაო გარემოს შექმნის შესახებ;
- ვ) თანამშრომლობის ვადას, რომელიც არ უნდა იყოს პროგრამის ხანგრძლივობაზე ნაკლები და თანამშრომლობის შეწყვეტის პირობებს;
- ზ) პარტნიორი ორგანიზაციის/კოლეჯის სხვა უფლებებს, ვალდებულებებს, პასუხისმგებლობებსა და საქართველოს კანონმდებლობით განსაზღვრულ სხვა საკითხებს.

მუხლი 4. ხელშეკრულების შეწყვეტა

1. კოლეჯი ვალდებულია, ცალმხრივად, ვადამდე შეწყვიტოს ხელშეკრულება, თუ:
 - ა) სასწავლო საწარმოს გაუუქმდა სასწავლო საწარმოს სტატუსი;
 - ბ) სასწავლო საწარმოს შეუჩერდა სასწავლო საწარმოს სტატუსი, რაც გამორიცხავს სასწავლო საწარმოს მიერ ხელშეკრულებით გათვალისწინებული ვალდებულებების შესრულებას.
2. ხელშეკრულება ვადამდე წყდება, თუ კოლეჯს უარი ეთქვა ავტორიზაციაზე/გაუუქმდა ავტორიზაცია ან კოლეჯმა დაკარგა პროგრამის განხორციელების უფლება.
3. დაწესებულება ვალდებულია, სასწავლო საწარმოს მიერ სასწავლო საწარმოს სტატუსის მოპოვების სტანდარტებისა და პროგრამის განხორციელების წესების, პროფესიული სტუდენტების უფლებების, ხელშეკრულებით გათვალისწინებული პირობების დარღვევის ან/და შეუსრულებლობის ან/და არაჯეროვნად შესრულების შემთხვევაში, ასევე სასწავლო საწარმოს მიერ საქართველოს კანონმდებლობით გათვალისწინებული ლიცენზიის/ნებართვის ან/და სხვა სპეციალური რეგულირებით გათვალისწინებული უფლებამოსილების გარეშე საქმიანობის განხორციელების ან საწარმოს მიმართ გაკოტრების/ლიკვიდაციის საქმისწარმოების დაწყების შესახებ ინფორმაციის ფლობის შემთხვევაში, დაუყოვნებლივ შეწყვიტოს ხელშეკრულება.

4. ხელშეკრულება სასწავლო საწარმოს/კოლეჯის ინიციატივით ვადამდე შეიძლება შეწყდეს შეწყვეტის თარიღამდე არანაკლებ 3 თვით ადრე, მეორე მხარისთვის წერილობითი შეტყობინების გაგზავნით, გარდა ამ მუხლის მე-2 და მე-3 პუნქტებით გათვალისწინებული საფუძვლებისა. ამ მუხლის მე-2 და მე-3 პუნქტებით გათვალისწინებული საფუძვლებით ხელშეკრულება წყდება შესაბამისი ფაქტის დადგომის მომენტიდან.

მუხლი 5. გარდამავალი დებულებები

1. „პროფესიული საგანმანათლებლო პროგრამის/მოკლე ციკლის საგანმანათლებლო პროგრამის/პროფესიული მომზადების პროგრამის/პროფესიული გადამზადების პროგრამის სამუშაოზე დაფუძნებული სწავლების ფორმით განხორციელების წესისა და პირობების დამტკიცების შესახებ“ საქართველოს მთავრობის 2022 წლის 9 აგვისტოს №416 დადგენილების ის ამოქმედებამდე დაწესებულებასა და სასწავლო საწარმოს შორის გაფორმებული ხელშეკრულებები არ საჭიროებს ამ წესის მე-3 მუხლის მე-4 პუნქტთან შესაბამისობაში მოყვანას.